

\*\*\*\*\*  
RAGAD ADVERTENTIE:  
Kabar premili: 1 — 30 temboeng f 1.—  
Langkoengipoen, saben 10 temboeng oetawi kirang: f 0,50.  
Advertentie liimrah: f 0,15 sagaris;  
(apes: f 1,25).  
Moendoet kapatjak langkoeng saking sapisan, oetawi moendoet dados lengganan, tepang rembag roemijin kalijan administratie.  
Hoofdredacteur:  
B. SOEMARNA  
kabantoe  
REDACTIE - COMMISSIE.  
\*\*\*\*\*

# SWARA-TAMA

## SERAT KABAR KATHOLIEK

== Medal saben dinten Djoemoewah. ==

\*\*\*\*\*  
REGINIPOEN LENGGANAN  
SWARA TAMA  
sampoen kalijan regining Soera Katholiek  
1 taoen . . . . f 7,50 } njoewoen kabajar  
1/2 .. . . . f 3,75 } roemijin.  
Adresipoen Redactie lan Administratie  
IGNATIUS-COLLEGE  
DJOKJAKARTA.  
\*\*\*\*\*  
Drukkerij „Canisius” Djokja.

**ISINIPOEN:**  
Ngatoeraken kasoegegan — Kekirangan teda — Keblinger moeroegaken keder — Gesang rerajatan lan djagad social — Wadjibing iboe — Djagad goeroe — Pasemon-pasemon ing salebeting padalangan — Pangroekti Laja ing Djokja — K. W. ing Djokja — Elèking warsa énggal — Ontjen sekar gambir melati — Oerap-sari — Correspondentie.

**NGATOERAKEN KASOEGERAN.**  
**L. S. I**  
**Tanggal 25 December!**  
*Dinten poenika OEMOEMIPOEN kaanggep dados bakdan-ipoen kadang Katholiek Djawi, minangka lelintoenipoen 1 Sawal, lan njinghiri sampoeng ngantos golongan kita dipoenanggep bakdan wonten tanggal 1 Djanowari, kados bangsa Walandil!*  
**Para maos!**  
Swara Tm. ingkang isi seratan poenika, moegi pandjenengan anggep dados lelintoenipoen REDACTIE toewin ADMINISTRATIE Sw. Tm. sowan ngatoeraken kasoegegan: „bekti, taklim toewin pamoejji” datang Pandjenengan sadaja, wonten ing tanggal 25 December. Manoengsa makaten, sekèng! Boten wonten ingkang lepat ing kalepatan toewin kalintoel Mila, sadaja kalepatanipoen Redactie toewin Administratie, moegi Pandjenengan leboer kè-mawon, kaboetjal datang sagan-tan pangapoenten!

Pangadjeng-adjeng koela ingkang sami tandang damel wonten Redactie toewin Administratie, moegi Pandjenengan sadaja pikantoe barkah rahmating Goesti Allah; toemoesipoen datang garwa, poetra, toewin wandawa maharani: wilodjeng, tentrem, ajoe, jowana.  
REDACTIE lan ADMINISTRATIE.

## PRADJA RAHAJOE.

**KEBLINGER MOEROEGAKEN KÉDER.**

Sinareng Pen. maos oréanipoen sadèrèk Sasra ing Swara-tama no. 44. inggih poenika bab „Nasib”, ingkang ka-voordracht-aken déning sadèrèk S.H.S.; ing ngandap pijambak wonten oengel-oengelanipoen: „Voordracht koela poenika soemangga sami dipoen-galih.”  
Mestinipoen ingkang katoedjoe nggali poenika, boten sanès inggih sadèrèk-sadèrèk ingkang wonten ing Parepatan ngrikoe.  
Ewasamanten Pen. kapeksa toemoet-toemoet nggagas, djalaran saking kepranan manah koela, angènipoen mak „plek” sami, moeroegaken badaring boendelan koela, ingkang koela simpen lami.  
Pen. boten badé njrékal voordrachtipoen sadèrèk S.H.S. (tjjang sampoeng sami) namoeng badé nabahi sakedik.  
O, lakar inggih makaten; kasingihan sanget pangandikanipoen sadèrèk S.H.S. jèn „tjjang Djawi poenika ingkang keblinger.” Dadosipoen tanah Djawi dawah ing pangowaosing kradjan sanès, dadosipoen daganganing (pamedaling siti) tjjang siti karegem ing tanganing Tjina, dadosipoen kasoegehanipoen tanah Djawi doemoenoeng (mang-gèn) ing bangsa mantja, poenika sadaja, djalaranipoen boten sanès saking „keblinger.”  
Tjjobi koela badé mendet boekti, sakedik: Wonten satoeingiling tjjang doesoan, pikantoe sawer ageng satoenggal, ladjeng kasadé datang Tjina ingkang tjelak kalijan doesoanipoen ngrikoe, kalijan regi f 4 (kawan roepijah). Tjina ingkang noembas sawer waoe ladjeng datang kita ingkang inggih boten tebih kalijan (doesoan waoe) ndjoedjoe datang

grijaning taukenipoen, njrijosaken jèn angsal sawer ageng pandjang-ipoen . . . m. Taukè teroes ngabani f 30, — (tigang dasa) noenten kèng-kènan moeroegi sawer poenika.  
Lah poenika sadèrèk, mangka boten sapisan, saben-saban inggih mekaten.  
Sadèrèk-sadèrèk Djawi ing satjelaking doesoan ngrikoe inggih sampoeng wonten ingkang ngretos, jèn weloelang sawer poenika awis reginipoen, malah-malah wonten ing pabripipoen (ingkang nampèni waloe-lang sawer), éwasamanten sami kèndel kè-mawon, boten poeroen ngilaki.  
Malih sadèrèk! Ing panggenaning Pen. poenika kalebet katah dagangan woeloe wetoening siti (pantjen tanahipoen loh), saben èndjing, langkoeng-langkoeng jèn Pekenan, ing margi doemoegi ing doesoan, katah Tjina loeroegan saking kita, preloe magang: wos, peté, djanganan, kemokoos, manis djangan, kopra, palawidja enz. enz. Angsal-angsalanipoen sami winadahan ing grobag, dados pinten-pinten grobag.  
Sadèrèk! koela (Pen.) sampoeng njoemerepi pijambak, kemokoos sawidjikan namoeng regi 4 sèn, manis djangan sabengket 2 sèn, madoe sasopi (gendoe ageng) 25 sèn. Tjjobi sadèrèk, sareng sampoeng wonten ing Tjina, kemokoos sawidjikan saged medal 50 sèn, manis djangan 30 sèn, madoe (ladjeng kawoworan toja gendis) langkoeng saking f 2,50 (saringgit).  
Jèn kaserah oetawi kaandaraken sadaja boekti-boektinipoen jèn tjjang Djawi „keblinger” poenika wah boten rampoeng 3 dinten, langkoeng-langkoeng manawi doemoegi to-tolan, rëntenan, pasar malem, badan (Landi, Tjina, Djawi enz.) enz. saja nglantrah, mila koela tjekak semanten kè-mawon.  
Sapoenika gentos datang kaoem blandjan. Wah, badé kekel kapeksa boten saged, awit ratjak mèh sami, saben tanggal enèm inggih karoe-boeng ing Tjina. Katamoan, tamoe-nipoen preloe nagih, datang Patjnan (prijantoe) perloe . . . njaoer. Mila angger plentong tanggal, pantjen bingoeng; bingoeng anggenipoen badé mbagi, mila ladjeng kabeket kentjeng, kabekta datang panggenan . . . . dipoenaben, wekasan . . . . telas, mantoek kalijan ngemoet . . . . dridji, doemoegi ing grija paben kalijan sèmahipoen, wah ngisin-isini; prijantoe djé ngaten, ning . . . kaprah, dados . . . loewes; ha-ha!  
Mila inggih jektos, tjjang „keblinger” poenika moeroegaken „kèder,” tegesipoen „kèder gesangipoen,” ngamal kadonjan boten gadah, ngamal kasowewargan karisak. Wah, mesakaken, ning . . . ratjak.  
Sapoenika kados-poendi, kita kaoem blandjan (langkoeng-langkoeng goeroe), soepados boten gampil kènging ngèlmoe moesibat (mainan), boten sanès kita kedah sampoeng (adja) tilar oekoeran. Sandang, penganggé, teda, pirantosing grija, sèwan grija enz. poenika sadaja kedah kaoekoer kalijan blandjanipoen. Sampoeng ngantos blandja f 30, — badé njamèni kalijan blandja 75, — inggih mesti bobrok.  
P. G. H. B. roemijin sampoeng naté ngrembag „actie mendalam,” maksoedipoen ingkang sapérangan „ndandosi panggesanganipoen pijambak-pijambak (tiap-tiap goeroe haroes hidoep dengan sederhana). Sadèrèk-sadèrèk rak ngertosta watesipoen hidoep sederhana! Wonten ing poendi watesipoen? Wonten ing „pamedal,” rak inggih ta?  
Bangsa Intellectueelen Indonesia, sami tjantjoet tali wanda, nandang (ndandosi) bab economienipoen bangsa Indonesia. Mangga sadèrèk, langkoeng-langkoeng sadèrèk goeroe (awit goeroe poenika pemimpin tjalon tjjang) sami ngajati ndandosi economie kita ingkang sampoeng bibrah. Sadèrèk! sampoeng kesoepèn, ndandosi economienipoen pijambak kedah karoemijnaken. Oe-

koeran-oekoeran, sampoeng ngantos kantoen.  
Sampoeng samanten kè-mawon roemijin; ingkang badé njambet soemangga.  
Wasana koela matoer noewoen datang sadèrèk Sasra lan S. H. S. Njoewoen sagoenging samodra pangaksama.  
*Raga semangsang.*  
**LARASATI.**  
**GESANG RERAJATAN LAN DJAGAD SOCIAL.**  
*Wewenang lan wadjibing tjjang djaler datang tjjang èstri lan kosok-wangsoel.*  
Toedjoening manoengsa poenika ngloehoeraken Goesti Allah toewin kabegdjan langgeng. Mila angger tjjang krana dawoeh Dalem Goesti Allah kedah mitoeleugi sesami ing prakawis poenika; langkoeng-langkoeng tjjang djaler èstri, ingkang sampoeng katoenggiaken dados satoenggal, sampoeng samestiniipoen kedah toeloeng-tineloeng; kalih-kalihipoen kedah saèta kapti, ngoedi sagedipoeng gesang oetami lan soetji. Sampoeng kendat-kendat woelang-woelang, serep-sinerep, sampoeng kendat njoekani toelada saé; poenapa malih sembah angipoen saben dinten dipoen-ganjer. Wonten bi-joeug oetami njoekani woelang datang anakipoen èstri ingkang angsal tjjang ingkang ragi ndonjani makaten: „nggèr, kerepa ngomongaké Goesti Allah marang bodjomoe, ananging kerepa matoer Goesti Allah bab bodjomoe.” Tegesipoen? Para maos sampoeng njandak; tjjang kalih kedah djagi-djinagi, sembah-jang-sinembahjangan, soepados tansah raket pasowitanipoen, sampoeng ngantos benggang saramboet kè-mawon.  
Gesangipoen tjjang Katoelik witan inggih makaten poenika. Wonten ing poendi-poendi tansah atoe roentoet; sembahjang sareng, sijam toewin mati raga inggih sareng. Wonten poenapa-poenapa dipoensanggi tjjang kalih; pait getiring ngagesang pinikoel tjjang kalih; manis sakètaning ngagesang inggih dipoenraosaken tjjang kalih.  
Wewenangipoen tjjang djaler menggahing tjjang èstri, boten kèngingkaetjakakensakadjeng-kadjeng; panganggepipoen tjjang djaler datang tjjang èstri boten kènging kados datang réntjang toembasan oetawiréntjang limrah, nanging kedah kados datang badanipoen pijambak, sebab tjjang èstri poenika sisihanipoen tjjang djaler (lebensgezellin).  
Tjjang djaler poenika dados pandjagi toewin pangajoman, mila wadjib njoekani sandang teda satjekapipoen. Dados manawi wonten tjjang djaler ingkang boten mardoeli datang anak sèmah, ngawoet-awoet banda kanggé pados kasenganganipoen pijambak, ngetjèh-etjèh arta kadamel rojal, poenika manoe Rasoe! ageng Santo Paoloes, tjjang ingkang njélaki pangandelipoen, sampoeng nglangoengi para ingkang boten gadah pangandel.  
Déné menggahing tjjang èstri, kados atoe koela nginggil, wadjib mbangoen mitoeuet ingkang djaler ing samoe-kawis, ingkang boten awon toewin ingkang kepanggih ing nalar. Santo Paoloes ngandika: „wong wadon, dipada mbangoen mitoeuet marang bodjomoe, dikaja marang Goesti pribadi.” Tjjang èstri sadjati boten dadak ngentos abanipoen ingkang djaler; ananging sampoeng ngertos pijambak krenteging manahipoen ingkang djaler toewin najogjani (ngroemijini) pika-djanganipoen. Manawi tjjang djaler margi tegoe, seserepan toewin kodratipoen dados pangageng sarta pangajomaning brajat, tjjang èstri margi kawatakanipoen toewin kasagedanipoen (gaven) tinoeuding kados bijoeug, toekang pandidik laré, pinidji mitoeleugi ingkang djaler lan njepeng barang isèn-isèning grija.  
Tjjang èstri poenika margi aloes-

## KEKIRANGAN TEDA ING MANGGARAI.

(FLORÈS KILÈN).

Pandjenenganipoen Pastoer R. Wolfs, wonten De Koerier 14 December, ngandaraken bab kekirangan teda ing Manggarai, soera osipoen makaten.  
Ing bawah Manggarai, sampoeng dangoe kambah ama tikoes, andjalari kiranging teda ing koekoeban ngrikoe. Saking poendi asaling tikoes<sup>2</sup> waoe, pandjenenganipoen P. Wolfs boten mangertos, nanging kinten-kinten kè-mawon kabekta saking kasèbipoen datenging djawah ing taoen kapengker, andjalari tikoes-tikoes énggal sanget bebranan; wasana sareng ing wana sampoeng katelasan teda, ladjeng sami ambjoek datang pategilan.  
Manawi tetjjang ing Manggarai pijambak, anggenipoen njebabaken warni kalih. Sepisan margi dajaning djawah awoe kala 5 Agustus 1928, njarehgi pandjebloegipoen redi latoe ing poelo Paloeéh. Kaping kalih, margi oelam lodan. Oelam lodan (ikan paes) poenika waoe manawi daloe sami minggir datang pasisir angababi poelo ngrikoe ladjeng ndjalari wontening tikoes pinten-pinten.  
Tjekak, badéja kados-poendi-kados-poendi sababipoen, ing ngrikoe naté kaambah badjag tikoes, malah sapoenika manoe tjarijosipoen tetjjang inggih taksih wonten pinten-pinten.  
Ichtjar ngitjalaken tikoes waoe dèrèng wonten ingkang sampoerna, tjespleng! Saking Nagari inggih dèrèng pikantoe djampi. Tetjjang ngrikoe sami migoenakaken pasangan, nanging dèrèng saé, toer boten njekapi kanggé ngitjalaken tikoes matoes-atoes poenika. Sawenèh wonten ingkang anggenipoen njirnakaken sarana segawon, nanging kados-poendi tjjang segawon-segawon ing ngrikoe boten patos katah.  
Sampoeng wiwit kala woelan Mei, tetjjang sami kekirangan teda bakoe: djagoeng toewin pantoe. Malah ing Roels, Tjongkar, Bibing lan Rem-bong babar pisan sampoeng boten wonten djagoeng oetawi pantoe. Tetjjang ladjeng sami datang wana, andoedoe „raoet” (manawi tjara Djawi bokmanawi kè-mawon: gadoeng). Kasangsaran waoe wonten woelan Juli, Agustus, September saja ngambara-ambra. Pakampoengan sami soewoeng, tetjjangipoen djaler èstri, anèm, sepoeh sami datang wana ngoepados bonggoling wit-witan toewin woh-wohan, nanging kènging kawastanan boten pikantoe poenapa<sup>2</sup>. Margi, wana waoe sampoeng dangoe anggenipoen boten ngedalaken kasil inggih kabekta saking éwon tjatjahing tjjang ingkang ngoepados teda mrikoe. Margi makaten waoe,

ing sarandoening angganipoen, margi saking remen tetoeloeng datang sesami, gadah watak welasan, takad ing salebeting wonten sambekala, ladjeng nama prajogi jèn ladjeng toemoet ngèntèngaken, manawi wonten pait getiring ngagesang. Tjjang èstri ingkang kadjabah ngengliipoer ingkang djaler manawi pinoedjoe soesah; tjjang èstri ingkang kedah ngengageng manahipoen ingkang djaler, samangsa ketoewoehan manah nrimah mopo, sampoeng boten gadah pangadjeng-adjeng; tjjang èstri ingkang gadah bagéan ngoepakara ingkang djaler, jèn pinoedjoe sakit.  
Kalimrahanipoen tjjang djaler njamboet damel ing sadjawining grija; déné tjjang èstri lerep ing salebeting grija; ing ngrikoe ngoerbanaken kekijatanipoen sadaja kanggé anak sèmah. Watak resikan, raos datang adi pèni, langkoeng-langkoeng winantoe katresnan lan oelat manis asoemèh, poenika rengganipoen tjjang èstri, inggih dados rerengganipoen grija; poenika ingkang badé ngresepaken ingkang

tetjjang sami klambrangan wonten satengahing wana. Anggenipoen ladjeng sami klambrangan wonten satengahing wana, weteng loewé, ngombé toja reged, andjalari salebetipoen woelan Djoeli, Agoestoos, Septembèr, atoesan tjatjahipoen tjjang ingkang pedjah wonten wana, wonten satengahing margi, toer pedjahipoen ndadak sakit dysenterie, lss.  
Tjatjahing pepedjah katah sanget, langkoeng-langkoeng laré-laré alit lan laré sesapan. Wiwit woelan Aug. doemoegi sapriki, pandjenenganipoen P. Wolfs ambaptis laré 500, poenika ingkang pedjah sampoeng wonten 50. Malah salebetipoen Sept. lan Oct. katah tjjang tiwas déning longontsteking.  
Tetjjang ingkang saras sami ngili datang papan sanès, ambektani barang-barang lan radja-kajanipoen, kasadé kalajan mirah-mirahan waton kènging kanggé toembas sekoel oetaw djagoeng; botenipoen makaten kalintokaken tetedan. — Nagari, kala woelan Oct. sampoeng wiwit ameng-galih.  
Margi katahing pepedjah, pategilan sami ngentak-entak, bera boten kataneman. Kadjawi poenika inggih margi sami boten gadah bibit toer adat ing ngrikoe amaleri samangsa wonten tjjang pedjah boten kènging njamboet damel ing salebetipoen 4 — 5 dinten.  
Sawenèhing sakolahan sakolahan kagoenganipoen P. Wolfs sami telas moeridipoen, inggih margi dajaning kekirangan teda waoe.  
Sasampoenipoen ngandikakaken bilih moerid-moerid ingkang sapoenika taksih wonten, lan tetjjangipoen P. Wolfs, sami keloewèn, pandjenanganipoen ladjeng moendoet kadarmenipoen para Katholiek.  
Sinten ingkang kapareng paring pitoeloengan soepados ngintoenaken pitoeloenganipoen waoe loemantar redactie De Koerier ing Bandoeng, mawi katrangan: „voor pater Wolf's noodlijdenden.”  
Kadang Katholiek Djawi! Kadang pandjenengan toenggil Panoetan ing Manggarai sami kalowèn. Mangga sami dipoenpitoeloengi! Pakempalan K. W. ing papan pandjenengan koela tanggel mesti inggih poeroen dados lantaran, nglantaraken datang De Koerier, oetawi toeroesan datang pandjenenganipoen P. WOLFS S.V. D. Missionaris Manggarai, Reo, Roeteng FLORES. Malah K.W. lan P.P.K.D. sampoeng toemandang!  
Tooneel-club, poenika lo wonten damel!

ingali, adamel gambiraning leloerahing brajat.  
Mila saking pangadjeng-adjeng koela, sageda sadèrèk kita wanita priksa agenging koewadjanipoen toewin adjining sesanggenipoen. Kita wanita ingkang badé saged adamel warasing gesang sesarengan; kita ingkang saged andjampèni sesakit ing djamap sapoenika sarana nindakaken koewadjan kita kanti ngatos-atos lan nastiti. Soemangga sadèrèk kita wanita, poenika dipoen-galih.  
A.  
**WADJIBING IBOE.**  
Saé awoning wewatekanipoen poetra, ingkang ing tembé badé dados tjjang ingkang badé dados isèn-isèning pradja, sanjata bilih dados sesanggening wanita. Saja-saja ing djamap sapoenika, para prija prasa-sat boten naté wonten ing grija, sadinten moepoet késah ngoepaja sandang boga, mèh boten kober babar pisan ngrembag poetra.  
Toedjoenipoen ing sapoenika





## ATOER OENINGA.

— Gandèng kalijan liboeran December toemrap kantja Drukkerij, Swara Tm. ingkang pantjènipoen medal béndjing Djemoewah, kawedalaken ing dinten poenika.

## REDACTIE lan ADMINISTRATIE.



sampoèn kelebet njekapi, pamoe-  
langan-pamoeangan ingkang kang-  
gé para poetri, soepados ing tembé  
woeri, para wanita sageda ndjagi  
ing anak rabi. Saja katah para wa-  
nita ingkang bablas sinaoenipoen,  
katah pangertosipoes, djembar sese-  
repanipoen, ageng katékadanipoen.  
Nanging sapinten tjatjahipoen para  
wanita ingkang saged dangoe ngra-  
osaken ngasta padamelan ingkang  
temtoe inggih ladjeng gesang sesa-  
rengan kalijan para kakoeng, inggih  
poenika dados garwa, ingkang ing  
ladjengipoen oegi badé dados iboe.

Poenapa ta koewadjabanipoen pa-  
ra iboe?

1. ngGoela-wentah, ndedasari we-  
watekan, ndjagi bagas kasarasaning  
soekma lan raganipoen para poetra.  
2. Ngrembag dahar saha agem-  
agemaning kakoengipoen saha poe-  
tranipoen.

3. Nata lan ndjagi, ngrimati isèn-  
isèning dalem, amrih sampoèn gam-  
pil risak lan itjal.

Koewadjaban ingkang samanten  
katah saha ageng-agengipoen, boten  
kénging ginagampil, sinambi-sambi  
tindakipoen.

Sapoenika para wanita kok badé  
toemoet-toemoet ngrembag bab Po-  
litiek. Poenapa politik poenika  
kénging kasambi-sambi kalijan mo-  
mong, masak-masak, nata-nata se-  
sekar, meubel, njerat (mbatik)  
lan sapanoenggilanipoen, padame-  
lanipoen para iboe wonten ing  
dalem? Poenapa ing salebetipoen  
momong poenika sinambi ngasta  
(maos) serat-serat kabar ingkang  
ngemot pergerakan politik, jèn be-  
tak kalijan njanding boekoe-boekoe  
wetboek, mangké gek sangit, jèn pi-  
noedjoe ngasta njerat (mbatik) oetawi  
ngrénda oetawi soelam-soelam, si-  
nambi ngendikan bab badé perang-  
ipoen Amerika lan Djepang?

Temtoenipoen inggih ladjeng  
ninggah abdi kalih poenapa tiga,  
setoenggal kapilih ngratengi daharan  
(koki), setoenggal ndjagi (momong  
poetra), satoenggal ladas lan kapa-  
srahan salebeting dalem.

Inggih ingkang saged. Poenapa  
bilih badé wonten pakempalan Po-  
litiek Perempoean poenika ingkang  
dados ledenipoen namoeng para  
ingkang saged nginggah réntjang  
(para kaja-kaja). La, iboené si ge-  
doek ki engko prije?

Andjawi poenika bab oewet-ren-  
tenging dalem, saha panggoela-  
wentahing poetra boten kénging  
kapsarahaken babar pisan dateng  
abdi. Poenapa pandijenengan dèrèng  
naté midanget tjang raosan: „Poe-  
trané dèn Anoe kaé kok kemproh  
temen, nggragas, nakal, ora ana  
emper-emperé babar pisan karo  
rama-iboené. Toer rama-iboené kaé  
rak weton sekolahan ta.”

Mila koela atoeri ngawat-awati  
kémawon saking ing wingking  
(njampedi ing dalem). Dados kados  
tandanging wanita ingkang katilar  
perang ing raka, ndjagi dahar lan  
sedija mimis, lan damel bantoe  
(inggih poenika nggoela-wentah  
poetra).

F. J. ABOE.

## ONDERWIJS

### DJAGAD GOEROE.

Sadèrèngipoen koela ngedalaken  
wawasan ébaling djagad goeroe,  
koela sanget matoer sèwoe noewoen  
dateng saodara H. Mèmper, ingkang  
sampoèn karsa mboemboni (djantoni)  
goebahan koela: „Volksschool—Ver-  
volgsschool” ing Swara Tama no. 36,  
ingkang kawrat ing Sw.Tm. no. 40.  
Eerste blad 4de en 5de kolom. Margi  
saking boemboenipoen H. H. Mèm-  
per, goebahan koela ingkang soe-  
waoenipoen tjemplang, ladjeng da-  
dos: „nikmat, legi goerih awangi”  
sanget miraos.

Kala samanten pangrembag koela  
pantjèn kirang toemoendjem, margi  
namoeng koela anggé ngojak titeling  
karangan. Sareng kadjantonan sae-  
dara H. Mèmper, kok inggih ladjeng  
gandem. Boten langkoeng: proficiat.  
Sapoenika ngrembag djedjering  
rembag djagad goeroe:

Wonten wartos bilih ing Batang,  
sapoenika wonten cursus G.D. kanggé  
ngoedi (nempoeh) eindexamen N.S.  
Dados saminipoen Normaalteergang  
toemrapipoen G.D. Margi saking  
poenika G.D. saindenging Midden  
en Oost Java sami mèri. Sami njoe-  
woen soepados ing sanès panggènan  
oegi kawontenana cursus poenika  
waoe déning ingkang wadjib. É, èh,  
kabèh—kabèh ndjalokèk pada karo  
N. S. ers! G. D. lan G. B. ers ndja-  
loek pada, Kw. S., H. K. S. ers ndja-  
loek djadjahané!!! Hara jèn N.S. ers  
boten dipoensoekani mergi, rak badé  
pèndèng, kedjepit wonten tengah.  
Panjoewoen koela moegi lawangipoen  
N.S. ers i.p. Gijmnastiek lan Taal-  
cursus énggal kawengakna! (Mrt.)

Sadaja G.D. sampoèn sami tampi  
circulaire ing salebetipoen woelan  
Oct. ingkang kapengker. Ing circula-  
laire waoe katerangaken bilih wiwit  
béndjing 1 Januari 1930 eerste be-  
noemingipoen G.D. f 20. Poenapa  
H. Mèmper sampoèn priksa? Jèn  
dèrèng, moendoeta Soeara Goeroe  
Sekolahan Désa (S.G.S.D.) jorgaan-  
ipoen Oct. D. ingkang medal ing  
woelan Oct.! Kantoen ngentosi sa-  
kedap. Indakanipoen G.D. badé sa-  
ben 3 taon sepisan, katahipoen f 1.  
Sareng sampoèn 16 taon, i.p. sa-  
reng blandja sampoèn dados f 25  
sawoelanipoen indakanipoen ladjeng  
f 2,50 Djangkepipoen f 40 sasam-  
poenipoen 25 taon.

Koela mireng rembagipoen G.D.  
sakiwa-tengen panggènan koela, ang-  
sal kanoegrahan kados makaten poe-  
nika meksa boten marem, awit jèn  
dipoenétang malah roegi, sami oegi  
kalijan G.B. kala sami tampi wale-  
dan poenika. Jèn dipoentingali sa-  
keplasan pantjèn éti, ning nglebet-  
ipoen. ....! Pamaréntah pantjèn  
boten bodo, wasis, saged noeroeti  
panjoewoenipoen kawoela, ingkang  
katingalipoen mbingahaken!!!

P.G.K. (Pak: Goeroe Kasoeltanan)  
margi kataman soedaning blandja,  
ladjeng tjabang-tjabang P.G.K. riboet  
ngwontenaken vergadering perloe  
ngrembag njoewoen dipoensamèka-  
ken G.D. ing Goepermènan. Manawi  
sadaja tjabang sampoèn ngwontena-  
ken vergadering sadaja, tjalon badé  
ngwontenaken Openbare vergadering  
lan badé ngoelemi Bestuur G.K., K.B.,  
P.M.S., P.G.H.B. preloe dipoentèdani  
pretimbangan. Prakawis poenika tem-  
toe badé karembag béndjing wonten  
congres P.G.H.B. tanggal 16—19  
Februari 1930.

Mangka koela mireng (kabar angin)  
G.D. ing tanah Goepermènan inggih  
njoewoen dipoensamèkaken P.G.K.,  
djalaran P.G.K. volipoen sasampoen-  
ipoen 20 taon. Tjobi dipoentèdani  
kadadosanipoen!!

Ing Kroja wonten comité kanggé  
N.C. ingkang dipoenpangarsani Hr.  
Sardja. Kados-poendi haloeanipoen  
panjerat boten pados terang. Hr. Sar-  
dja mentas dipoendatengi H.B. P.G.B.  
saking Djokja, kapoerih njandèkaken  
kadjengipoen ngwontenaken comité,  
meksa boten poeroen.

Sadèrèk goeroe Neutraalschool ing  
Djokja nembé kémawon ngawisi moe-  
ridipoen dados padvinder I.N.P.O.  
lan S.I.A.P. djalaran padvinderi ka-  
lih warni poenika dipoenwastani soe-  
lahan saking pakempalan P.N.I. lan  
P.S.I. Mangka pakempalan P.N.I.  
sapoenika dados awisaning negari.  
Moerid Neutraal kapoerih mlebet  
padvinder ikgang katoentoen ing  
Hr. Ranef kémawon.

Margi saking poenika Neutraal-  
school ing Djokja ladjeng angsal  
critiekan radi katah saking sanès go-  
longan. Djare Neutraal, djeboel ja  
doeroeng Neutraal tenan!

A.M.S. Directeur A.M.S. ing Djokja  
ndidik moeridipoen soepados: „anti  
oorlog.” Pandijenenganipoen nerang-  
nerangaken bedamèn ingkang di-  
poentèken Verdrag van Versailles,  
sarta prakawis Volkenbond. Moerid  
A.M.S. ing klas nginggil pijambak  
ingkang montjèr sanget kesagedani-  
poen ing atasing poenika waoe, la-  
djeng dipoen-gandjar boekoe.

Wanita Indonesia: Mej. Moedinem  
tampi gandjaran boekoe: „Le mar-  
chand de Bagdad” saking pradja  
Fransch, lan boekoe: „Die Frauen  
jenteits der Onzeane” saking pradja  
Duitschland.

Jongeheer Soetikna tampi boekoe:  
„Grundlagen der deutsche Theologie.”  
lan „Hinter Pflug und schraub-  
erstack.” (Poenika jèn boten klèntoe  
panjerat koela lol! Mrt.)

Moeda Indonesia kekalih waoe  
tanda jèn montjèr kasagedanipoen.

Panjoewoen koela moegi-moegi  
missie onderwijzers sampoèn ngan-  
tos kantoen, anggènipoen njebar wi-  
dji „anti oorlog” kalijan golongan  
sanès.

Directeur M.U.L.O. Zending ing  
Solo oegi mentas kedjawanhan cri-  
tiekan langkoeng-langkoeng critiek sa-  
kih B.O., djalaran directeur waoe  
mentas ngedalaken moerid ingkang  
namoeng sebab nganggé koeploek  
Indonesia. Nalika laré waoe nganggé  
koeploek, sareng kasoemerepan te-  
roes kawedalaken sanalika. Poenapa

boten prajogi dipoenélikaken (di-  
poenawisi) roemjijn?

Sadèrèk Tionghoa kagebag ratjak  
nengenaken sanget dateng prakawis  
dedagangan, njingkoer dateng onder-  
wijs. Kanggé paseksèn, T. H. Keng  
Kie Hwee ing Betawi noelak cursus  
Engelsch Hollandsch, Boekhouden,  
mawi basa Mlajoe ingkang sampoèn  
dipoenwontenaken. Pantjèn namoeng  
sakedik bangsa Tionghoa ingkang  
remen dados goeroe, katanda goe-  
roe-goeroe ing H.C.S. sapérangan  
ageng kita Indonesièr.

P.G.P.K. ing Solo kados-poendi?  
Déné tanpa wonten kabaripoen?

Pagersari 10 Dec. 1929.

S. D. MARTAJA.

## K A G O E N A N.

### PASEMON-PASEMON ING SALEBETING PADALANGAN.

Petikan sesorahipoen sadèrèk  
Hardjawardaja.

(Sambetipoen Sw. T. No. 45).

IV. Ing salebetipoen djedjer I,  
bibar pasowan djawi ladjeng kadat-  
onan, poenika mralambang bilih  
manoengsa kinasakaken babrana-  
han.

V. Ing salebetipoen djedjer III:  
gara-gara. Kalanipoen Semar medal,  
dipoensoeloeki Djingking, oeng-  
oengelanipoen makaten: „.... Titi  
toenda gagating ngarang, trisoenti  
poernama djati, kapat mangka ka-  
lima tjandala; mangka tjandala, é . .  
ana, leng-lenging djagad sanjata;  
pat-oepaté oela lanang, é . . . ana,  
pat-oepaté oela lanang, pangiridé  
kebo doengkoel, sasisih sapi goe-  
marang. — Triwat gatra toenda, jèn  
pitika koelawoe benda; pat-oepaté  
oela lanang, nang, doeng, nang, tak,  
doeng, dang, doeng, gong.

Pamedar sabda boten saged nar-  
boekani sadaja bengel wartosipoen  
oengel-oengelan ing nginggil, na-

## VAN LITH-STICHTING

Jejasan  
ingkang kedah  
kita santosakaken.

Pangreh V. L. S.  
p/a Bijz. H. I. S.  
Magelang.

ning ngandikakaken bilih soeraos-  
ipoen kénging ginarka makaten  
„... Manoengsa koewi jèn kebowa  
kebo doengkoel, jèn pitika ija pitik  
koelawoe benda, éwadéné sisihané  
sapi goemarang titihané Hyang Ba-  
tara Goeroe.” Dados ateges: ma-  
noengsa koewi titah loehoer.

VI. Salebetipoen djedjer IV medal  
satrija. Manawi mlampah, Semar  
wonten ngadjeg, poenika ateges  
Semar dados djoeroe atedah margi.  
Satrija perang kalijan danawa gang-  
sal: mrasemoni perangipoen ma-  
noegsa kalijan nafsoening pantja-  
drija gangsal. Manawi dawah, satrija  
dawahipoen mngkoerip, poenika  
ateges ngroengkebi kaantepanipoen.

VII. Ing salebetipoen djedjer VI,  
gendjingipoen manjoera (merak) ate-  
ges s



# O E R A P - S A R I

## K A B A R K A T H O L I E K

**Pakoendjaran ing Ierland kotong.**  
Kala 25 Sept., Times New York ngewrat seratipoen Dan Cullers O' Flaherty. Cullers O' Flaherty poenika tijang Protestant, pangandjoer Methodist, poenapadéné tijang ingkang ngoedi sanget kamardikaning Agamaning nagari Ierland.

Seratipoen asoeraos makaten: „Kala 17 Sept. s.k. The Associated Press martosaken bilih pakoendjaran ing Ierland badé ka-toetoe, margi boten wonten tijang prantéjan. Prakawis poenika wonten babading manoengsa pantjen anggoemoenaken. Manawi koela ngéngeti pakoendjaran<sup>2</sup> ing Dartmoor lan Mountjoy, Kilmalham toewin Kilkeny ingkang nalika djaman papréntahan Inggris taksih isi tetijang koendjaran, mangka sapoenika ladjeng kanggé setatsijoen radio lss, poenika koela ladjeng jakin sanget dateng éwah-éwahan ingkang ngédab-édabi poenika ingkang toewoh saking dajaning kamardikan. Lan, pangawon-awon ingkang toemandoe kateng Ierland malah andadosaken koentjaraning namanipoen. Salebetipoen 5 abad langkoeng, Inggris tansah ngawon-awon Ierland, mastani bilih bangsa ler poenika tanpa pranatan, boten saged maréntah pijambak. Nanging sapoenika, ... Ierland namoeng gadah tijang prantéjan 700. Sasoemerep koela boten wonten nagari satoenggal kémawon ingkang njamèni Ierland bab prakawis poenika. Kadosdéné kita Richmond ingkang djiwanipoen 200.000, tijangipoen prantéjan langkoeng saking sapalih poenika, ka

djawi ingkang manggèn wonten tuchthuis. Ing Virginia poenika tjatjahing tijang koendjaran tikel 15 oetawi 20-nipoen tijang koendjaran ing Ierland.

Wontening pawartos makaten poenika toemrap bangsa ler poenapadéné para mitranipoen Ierland, saestoe ambingahaken, lan mongkogaken manah. Mangka djomedoeling pawartos waoe anjarengi ing Dannemora, Leavenworth lan Colorado, pakoendjaranipoen sesak sanget, ngantos prantéjan 3000 kadosaken satoenggal wonten kamar ingkang pantjenipoen namoeng kanggé tijang 80.

Poenapa sababipoen déné Ierland ngantos makaten? Poenapa namoeng kamardikan tok? Lo, poenapa Amerikah Sarikat poenika déné tanah mardika? Bédaning watakipoen bangsa ing Amerikah ingkang samanten katahipoen, doemoenoeng wonten papan langkoeng wijar, langkoeng katah godanipoen, poenika inggih saged toemoet andjalari bédaning Amerikah kalijan Ierland toemrap tijang prantéjan. Éwadéné, badéja makaten-makaten poenika, wonten sabab satoenggal ingkang boten kénging sinélakan, i.p. dajaning Agama Katholiek. Ing ngriki tétéla bédanipoen nagari ingkang Agama Katholiek roemasoe ing baloeng soengsoeming kawoela kalijan nagari ingkang kawoelanipoen sapalih kémawon boten wonten ingkang malebet ing salah toenggiling Agama Kristen.

## K A B A R O E M O E M I N D O N E S I J A H

### Wangsoelan saking Paréntah.

Warga Raad Kawoela R. M. A. A. Koesoema Oetaja kala Agoestoes miterang dateng Nagari bab pawartos ingkang njarijosaken katah intellectueelen ingkang malebet koeli kontrak.

Prakawis poenika, nagari sampoen paring wangsoelan. Tjatjahing koeli ingkang njamboet damel wonten onderneming 325 panggénan (Soematrah Wétan kalijan Atjih) wonten 250.000 tijang.

Ing tanah Soematrah Wétan wonten koeli 174 ingkang naté dateng H.I.S., nanging tijang samanten waoe ingkang 115 boten tamat anggènipoen sinaoe. Déné sanèsipoen ingkang tjeta manawi tamat sekolahanipoen namoeng 18. Tijang 18 poenika, ingkang ladjeng dateng Mulo 3, dateng H.B.S. 3, dateng K.S. satoenggal, ingkang ladjeng dados goeroe satoenggal.

Ing Goepermèn Atjih, koeli ingkang naté dateng H.I.S. wonten 17, ingkang tamat namoeng tiga, sanèsipoen boten tamat.

Koeli 250.000 waoe dadosipoen ingkang nama pengadjaran 181, nanging ingkang sekolah dateng H.B.S., Mulo, K.S. boten wonten ingkang tamat satoenggal-toenggala.

### Manggih barang kina.

**Locomotif** pikantoe pawartos saking Bandjarmasin, njarijosaken ing bawah Nagara wonten tijang pikantoe titikan pirantos baita djaman kina. Katjarijos, wonten tijang Arab soegih ladjeng njéwa papan waoe toewin neroesaken andoe-doeki ngantos angsal tjagak baita, lan pirantos sanès-sanèsipoen, ingkang katah kadjeng djatos; arta Tjina wedalan kina pinten-pinten, gotji-gotji, toewin papasrèn-papasrèn Hindoe. Bokmanawi kémawon poenika baita Hindoe kala djaman roemijin ingkang kanggé lalajanan dagang kalijan bangsa Dajak.

### Raad Kawoela.

Katjarijos béndjing tanggal 10 Djanowari taoen ngadjeng poenika, Raad Kawoela wiwit papatan malih.

### Badé mirah bir?

Ing Medan (tjalon) diponedegi pabrik bir. Pabrik waoe anggadahi pawitan f 200.000 kabagé dados 200 aandeel, saben 1 aandeel regi f 1000. Sapoenika ingkang kapasokaken sampoen 50 aandeel. (J. Court.)

### Waterleiding Pakalongan.

Gemeente Raad Pakalongan sapoenika ngroedjoei wontening waterleiding ing kita ngrikoe.

### Dongèngipoen tjelik, toekang noegel goeloe.

Dèrèng dangoe *Pewarta Deli* njarijosaken bilih ing Kota Pinang soe-mebar wontening pawartos ingkang boten adamel tintriming manahipoen

tetijang ing ngrikoe, i.p. bab tjelik oetawi toekang noegel goeloe.

Manoet kapitadosanipoen, tjelik poenika inggih tijang ingkang remenipoen noegeli goeloe kanggé sadjèn, lss.

Laré alit-alit, tijang-tijang sepoeh, sami adrih saja manawi loemampah wantji daloe mesti boten wani. Kabar tjelik waoe ladjeng soe-mebar ngantos doemoegi onder-neming Telok Pandji. Koeli-koeli ing onderneming ngrikoe sami nginting-inting poen tjelik, samangsa kepanggih badé pinedjahan. Koeli-koeli waoe, mireng ing Benggali wonten oepas ngompètaken tjelik poenapadéné njimpeni patak-patak tijang. Koeli-koeli 180 ladjeng sami madosi grijanipoen oepas, sedyanipoen badé medjahi poen tjelik. Sareng kepanggih, poen tjelik katanang medal, nanging boten wonten medal. Ingkang wonten grija waoe namoeng oepas tok. Koeli-koeli sami gregeten, ... ladjeng mlebet grija, ... namoeng pinanggih kalijan oepas boten kepanggih poen tjelik. Oepas ladjeng dipoenbatjok, dipoentatoni, ... andadosaken lan tiwasipoen.

Koeli-koeli ingkang toemoet amedjahi oepas waoe dipoentjeng. Kapitadosan dateng tjelik boten namoeng andadosaken tiwasing njawanipoen oepas satoenggal kaseboet nggiling. Taksih wonten malih! Bakda wonten lampahan oepas pedjah poenika, ing onderneming Perlaboean inggih waradin wonten wartos bab tjelik. Koeli-koeli ngrikoe sami adrih, anak-anakipoen kareksa saestoe, ... awit pangandelipoen: tjelik remen sanget noegel goeloenipoen laré-laré.

Ing wantji sonten sampoen repet-repet wonten tijang loemampah andoengkloek. Kala samanten wonten koeli medal saking grija, soemerep tijang waoe. Poen koeli ambekta pedang, pangintenipoen tijang loemampah poenika mesti tjelik. Sareng tjaket, *tjelic* ladjeng dipoentandangi andadosaken lan pedjahipoen.

Sampoen mesti kémawon koeli poenika waoe inggih ladjeng dipoentahan.

Bestuur ing Kota Pinang saweg amboedidaja sageda ngitjali kapitadosan tjelik poenika.

### Warga P. N. I.

Toewan Hartelust Goeprenoer Djawi Kilèn kawartosaken, moendoe katrangan tjatjahipoen warga P. N. I. ing tanah Pasoendan, angsal katrangan tjatjahing warga P. N. ing rikoe sampoen wonten 6668.

### Njoewak goegoer goenoeng.

College Gedeputeerden ing provincie Djawi Wétan anggadahi pamanggih boten wonten pakéwedipoen angitjali karja nagari toemrap pandamelan irrigatie.

Wangsoelanipoen Paréntah dateng R. Dwidjaséwaja. Kala 17 Oct. warga gedelegeerde

Raad Kawoela R. Dwidjaséwaja ngatoeraken serat pitakénan dateng Paréntah soeraosipoen kados ing ngandap poenika:

Wonten wartoskala tijang woelan kapengker, Balé Poestaka betah poenggawa kanggé bagéjan serat kabar. Kala samanten ladjeng katah tijang Priboemisami neda pandamelan redacteur. Sanadjan netepi poenapa ingkang dados pepanggilinganipoen, éwadéné sami katampik.

Ladjeng wonten njonjah ingkang nglamar, boten mangertos basa Mlajoe ingkang leres, boten netepi pepanggih, éwadéné ladjeng binebahan ngringkes kabar-kabar saking serat kabar basa Mlajoe. Saréhné gadah diploma Duitsch, njonjah waoe dipoentampeni kémawon kanti blandja f160, mawi pradjandi béndjing jèn sampoen mangertos saestoe basa Mlajoe, badé kainggahaken pangkatipoen dateng B. 13 ablandja apes f250 sawoelan.

Lan wonten sawenèhing tijang siti nglamar nggadahi diploma A. M. S. Soerakarta, wonten ingkang katampèn namoeng kablandja f110 sawoelan.

Gagajoen kalijan nalar ing nginggil poenika, warga gedelegeerde kaseboet nginggil, njoewoen pirsas.

a. Poenapa paréntah nganggèp bilih pandamelan Balé Poestaka, bagéjan serat kabar oemoemipoen boten kénging kagarap tijang siti? In poenapa karsanipoen Paréntah déné pandamelan ing ngrikoe namoeng kénging kagarap bangsa Éropah kémawon? 2. Manawi ingkang kaseboet ing no. 1 poenika boten, poenapa Paréntah karsa ngéngètaken panganggèp B. P. béndjing samangsa wonten lowongan sampoen ngantos toemindak makaten malih, mindak nama ambédakaken bangsa ...

Prakawis ing nginggil kawangsoelan Paréntah ddo. 5 Dec. soeraosipoen makaten: Poenggawa kantor serat kabar kedah gadah diploma tamat H.B.S. 5 taoen, gadah kawroeh basa Mlajoe oetawi sanèsipoen. Balandjanipoen ambtenaar golongan poenika toemoet schaal B. 18 ing B.B.L. 1925 — 1928. Pangkat redacteur (schaal A 19) poenika kalestantoaken toemrap tetijang ingkang sapoenika taksih njepeng pangkat waoe. Nanging toemrap poenggawa énggal kedah manoet pranatan énggal, pandamelanipoen ingkang bakoe ngarang basa Mlajoe. Mila kedah mangertos Mlajoe ingkang kalimah wonten serat-serat kabar toewin saged maos lan njerat basa Walandi.

Prakawis lowongan ingkang dipoenpikadjengaken R. Dwidjaséwaja poenika kala samanten ingkang nglamar namoeng tijang Priboemi satoenggal, toer tijang waoe kirang njekapi. Déné njonjah waoe anggènipoen katampi sareng sampoen wonten panglamar bangsa Éropah tiga sami sandé, déning blandjanipoen boten andadosaken leganing manahipoen. Njonjah waoe tampi blandja f160 poenika sampoen timbang kalijan diplomanipoen.

Kanggé tjaban-tjaban, ing B. P. afdeeling serat kabar wonten wedalan A. M. S. Soerakarta kalih, kablandja a f100.

Dados ngéngeti ing nginggil poenika, toemrap pitakénan ing a. Paréntah paring wangsoelan „boten;” déné toemrap nomer kalih boten preloe dipoenparingi wangsoelan.

### Pabrik gendis ing tanah Kedjawèn.

Manoet palapoeren Alg. Syndicaat van Suikerfabrieken in Nederlandsch-Indië, kanggé taoen 1928, ing tanah Kedjawèn wonten pabrikipoen teboe 33. Pabrik teboe samanten katahipoen poenika ingkang doemoenoeng wonten Ngajogyakarta 16.

Ing salebetipoen taoen 1928 boten wonten pasoeajian toemrap bajar.

Tjatjahipoen kobongan, taoen 1928 langkoeng katah tinimbang taoen '27. Kala tn. '27 ing Soerakarta wonten teboe kobongan ram-bah kaping 18 nelasaken patebon 20 h.a.; ing Ngajogyakarta ram-bah kaping 15 nelasaken patebon 22 h.a. Wangsoel ing taoen '28, Soerakarta wonten teboe kobongan kaping 32, nelasaken: 59 h.a., Ngajogyakarta kaping 14 nelasaken 12 h.a.

Kapratélakaken kobongan waoe ingkang katah-katah margi tindak kirang ngatos-atos oetawi margi mawa locomotief ingkang langkoeng ing ngrikoe, dados boten sadaja saking pandamelipoen tijang awon.

Katerangaken oegi bilih pabrik waoe inggih ambatèni tetijang Priboemi margi anggènipoen toembas pirantos-pirantos damelanipoen tijang Djawi, mangka anggènipoen ngedalaken arta kanggé pirantos-pirantos poenika waoe boten nama sakedik (brondjong deling, doek, banon, lss.)

Tjatjah-tjatjah ing ngandap poenika dipoenanggé boekti, bilih arta pabrik inggih katah ingkang toemandja dateng tijang Djawi.

## ONTJÈN SEKAR GAMBIR MELATI.

O, . . . . ., TENTREM . . . . ., TENTREM . . . . . !!!

Pandjenengan mesti taksih kèngetan djaman 1914-1918!

Poenapa wohipoen perang ageng kala samanten?

Tijang ingkang pedjah wonten: 13 mljoeen (Tijang samanten poenika jèn kapoerih baris njakawan, sijang daloe loemampah, lan loemampahipoen limrah, saweg saged rampoeng salebetipoen sawoelan; manawi dipoenemot ing baita, kedah kasedijanan baita 13.000 . . . ) Déné ingkang nandang tatoe: 16 mljoeen. Ingkang poetoeng tangan soekoe, oetawi iganipoen wonten 5.600.000. tijang. (Djiwa samanten poenika jèn kapoerih djédjèr moloe-moloe, pandjanganipoen wonten saking Anjer Kidoel doemoegi Banjoewangi; manawi kapoerih baris njekawan-njekawan, rampoengipoen kirang langkoeng satengah woelan). Kadjawi poenika, perang ageng waoe angrisakaken barang darbé pangsaos: 200 mljoeen roepijah. O, saestoe anggigirisil!

Penganggèp boten saé toemrap perang, poenika djaman sadèrèngipoen Sang Kristoes mijos sampoen wonten. Poedjangga Horatius (65-8 sadèrèngipoen Sang Kristoes), sampoen saged tjrijos: „Bella matribus detestata” - „paprangan koewi disengiti para bijoeng.”

Nanging panganggèp waoe saja ngaléla tjeta, sareng bangsa Éropah sampoen ngalami kasangsaran déning dajaning perang 1914-1918.

Bakda perang donja, tetijang ladjeng ngelak dateng katentreman.

Para maos! Pandjenengan mesti inggih kèngetan Volkenbond wedalan Wilson! Pandjenengan inggih kèngetan oegi, kala tanggal 27 Agoestoes 1928 para wawakiling pradjia pinten-pinten sami nanda tangani pradjandjian „Anti Oorlog” wonten ing Paris. Anggènipoen sami ngadani „Kellogg Pact” waoe, manoet oengel-oengelan ing pradjandjian, margi: „sami mangertos terang soetjining kawadjabanipoen ngadjengaken karahardjaning manoesa. (Diep doordrongen van hun heiligen plicht, het welzijn der menschheid te bevorderen).

Nanging sinten ingkang poeroen matitisaken galoetipoen Amerikah kalijan Inggris anggènipoen kados sigédèg karo siantoe, bokmanawi boten wani netepaken bilih „Kellogg Pact” waoe lahir batos saestoe. Saja manawi tijang ngraosaken burgeroorlog ing nagari Tiongkok, ngraosaken lelajananipoen Roeslan kalijan Tiongkok, koela kinten malah ladjeng netepaken bilih bedamèng ing Paris waoe loegoe namoeng lelamisan kémawon.

Wonten ing *De Koerier* no. 199, 27 Nov., pandjenengan saged pirsas litnan barisan samodra toewan L. Doorman angoesoelaken njantosani barisan samodra lan daratan. Preloenipoen poenapa? Namoe kanggé andjagèni soepados samangsa-mangsa wonten perang. Nederland saged angoe-koehi anggènipoen neutraal. Dados ing ngriki tétéla Nederland (litnan Doorman) ngandoet koewatos bok bilih tembé wingking wonten perang malih.

Nalika Amerikah noetoeri Roeslan kalijan Tiongkok soepados sami roekoen, republik Roeslan semoe boten narimahaken! Mangka ang-

gènipoen Amerikah èngèt-èngèt waoe awawaton déné Roeslan inggih toemoet nanda tangani Bedamèn Kellog.

Nalar-nalar ing nginggil poenika manawi karaosaken mesti noewoehaken manah sangga roenggi, boten ngandel kalijan Anti Oorlog waoe. Tetijang ladjeng moengel kados sang Victor Hugo:

„Tout le monde pue, pue, pue, . . .” „De heele wereld stinkt, stinkt, stinkt, . . .”

„Sadjagad angganda batjin, batjin, batjin, . . .”

Nanging poenapa atoe koela ing nginggil, anggadahi teges: katentreman ikoe ora kena ginajoeh?? O, babar pisan boten!

Prof. mr. J. van Kan, kala medar sabda bab „Het Vredesprobleem als Rechtsprobleem” wonten Betawi tanggal 8 Djoeli '29, ngandikakaken ingkang soeraosipoen makaten: „Koela jakin sanget, tetijang mesti badé nglampahi, oeger dipoenmangertosaken saestoe dateng rembag katentreman, dipoenserep-serepaken bilih katentremaning djagad makaten dédé impèn; saged kelampah saestoe! Dados kedah dipoensoeemerepaken: tentrem koewi bisa kelakon, lan inggih kedah kamangertosaken: keprijié bisané kelakon . . .”

Prof. van Kan oegi ngandikakaken sambékalanipoen panggajoech dateng katentreman ingkang saprika-saprika tansah wonten kémawon, i.p. anggènipoen bangsa<sup>2</sup> amboedjeng kamoeljanipoen pijambak, inggih nationale zucht oetawi *sacro egoismo*.

Katentreman pantjen kénging ginajoeh! Sinten ingkang soemedya loemebet wonten Pirdoesing Katentreman kedah boten nilar Wet Katretnan: „Sira nresnanana Goesti Pangéranira kanti goemolonging ati, soekma, boedi lan kekoewatanira. Lan, sira nresnanana papadanira dikaja karo awakira déwé.” (Marcus 12: 30—31).

Manawi sadaja bangsa saged netepi pepatjoeh poenika, Katentreman badé soemrambah anartani saloemahing djagad.

Kadang Katholiek! Atoer koela ing nginggil koela tanggoehaken pandjenengan bakda ngloehoeraken dinten pangèngèt-èngèt Mijos Dalem Ratoening Katentreman, lan ngadjengaken taoen énggal!

Moegi barkah pangèstoe Dalem ingkang pandjenengan soewoen salebetipoen ngloehoeraken Ratoening Katentreman waoe, amajoengi lampah pandjenengan wonten taoen ngadjeng anandangi poenapa kémawon ingkang mikantoei toemrap Allah lan siti - kelahiran.

Moegi anggèn pandjenengan sami ngloehoeraken Ratoening Katentreman, saged ndajani temtreming bawana!

„Tentrem, . . . tentrem . . . . .” — makaten ingkang kedah dados santsi kita. Djer katentreman makaten dados karsa Dalem Pangéran rikala nitahaken boemi langit saisinipoen!

Wasana ing dinten 25 December, koela ngatoeraken „bukti, taklim, toewin pamoejji” dateng pandjenengan sadaja.

Kumuningsasélé 23 Dec.

Taklim: PATJAR MÉRAH.

## MANTJA NAGARI.

**AFRIKA. Gégéran ing Nigeria.** Tilgram Aneta saking London dd. 18 lan 19 December anjarijosaken ing kita Opobo lan Aba bawah Nigeria, wonten gégéran.

Ingkang dados sababipoen margi tetijang Priboemi ngriki sami kalintoe panampi babagan paos pamedal. Tetijang sami nginten bilih tijang éstri sadaja sami kénging paos, sarta badé boten poeroen ambajar. Ingkang makaten waoe andjalari tetijang ngrikoe kala 11 Dec. sami arak-arakan. Tetijang éstri éwon sami toemoet arak-arakan waoe. Mangka poelisi inggih sampoen nerangaken bilih tetijang éstri boten kakéngingaken paos.

Arak-arakan kaseboet nginggil ladjeng angrerisak poenapa-poenapa langkoeng-langkoeng ing sakiwa-tenngipoen Opobo kalijan Aba.

Sampoen mesti kémawon poelisi sabijantoe kalijan militèr ladjeng djagi-djagi. Ing tanggal 18 Dec. para ingkang damel resah waoe nglawan prijantoe Nagari, lan tandangipoen saja santer ngantos wani badé ngreboet sendjatanipoen pradoerit. Temahan, militèr kapeksa ngoenggelaken sendjatanipoen, andjalari wontening radja tatoe pinten-pinten lan pedjahipoen tijang kalih dasa (ingkang sapérangan ageng tijang éstri).



